

普洱府志稿卷之二十九

武備志三

邊防

管子曰先王不以勇猛為邊竟則邊竟安又曰邊不可以常智觀良以地則險阻人則犬羊輕舉則構釁而損威疏略則失機而貽患其勢然也普洱地處極邊車里等土司毗連外域昔者交緬南掌暹羅諸國屬在藩服邊防尚不可廢今則強鄰逼處鯨吞蠶食略盡之矣時局日變邊防日亟雖漢之於匈奴宋之於金當不能逾籌邊者其何以內安外攘撫此無缺

普洱府志稿

卷之二十九

武備志三

邊防

之金甌而思有以固吾圉乎

謹案普洱邊防以思茅為最思茅沿邊界連緬甸孟艮大猛養暹羅定邦昂猛辛南掌猛混猛渾猛約等處以車里宣慰司十三版納為藩籬最為緊要次甯洱東南沿邊舊時由烏得出整法隘外接南掌之補干掌近將猛烏烏得二土司地劃給法人則自壩卡壩連以外即係法人地面矣次威遠沿邊一帶與裸黑接壤次他郎所屬之木戛亦與法地毗連扼要設防實不可忽舊志缺邊防一門未免疏漏茲仿通志例首列各土弁防冬定制次載入緬甸南掌路徑道里及各關隘並近年新設防營而以各沿邊事附於末

〔案冊車里宣慰司轄十三版納一曰十三猛江外爲外
八猛江內爲內五猛宣慰司舊駐九龍江外今移駐
小猛養在思茅正南六程每年冬防派土練五百名

〔又六困兼管白馬山土把總在江內思茅西南十
五里與野獐寨接壤西南接猛阿南接九龍江東接
普藤轄猛往土便委每年冬防派土練三百名 〔又

猛遮土千總在思茅西南江外十程北接猛阿東接
九龍江與緬甸大猛養接壤 〔又猛阿土把總轄猛

海猛混頂真打落四土便委與緬甸大猛養猛良接
壤每年冬防派土練三百名 〔又猛籠土把總在思

普洱府志稿

卷之二十九

武備志三

邊防三

茅正南江外九程北接九龍江西接猛遮東南與暹
羅緬甸各境界接壤每年冬防派弩手土練二百名

〔又橄欖壩土把總跨江內外在思茅南偏東七程

西接九龍江南接猛籠東接猛臘每年冬防派土練
二百名 〔又猛臘土把總在江內思茅東南十三程

西接橄欖壩南接猛彝北接易武東與暹羅南掌接
壤每年冬防派土練一百五十名 〔又易武土把總

在思茅東南江內距思茅八程南接猛臘東接烏得
與南掌犬牙相錯西北接倚邦每年冬防派土練一

百名 〔又倚邦土把總在思茅東南江內距城六程

東南接易武西南接九龍江每年冬防派土練二百名
又猛彝土便委距思茅十四程北接猛臘南與
戛于臘接壤每年冬防派土練二百名 又猛烏土
把總烏得土把總竝東接南掌與普藤土千總猛旺
土把總整董土把總由甯洱撥練巡防 又思茅西
北九十五里那莫汎野獐出入要路駐把總一員兵
一百二十名南二十五里永靖關爲通十三版納總
滙派員駐守

舊志威遠土千總管轄土目一人練目四人嘉慶二年

額設土練二百名內槍手一百名弩手一百名冬防

普洱府志稿 卷之二十九 武備志三 邊防四

分撥土目帶領練目二名槍手五十名弩手五十名

駐卡雙江又分撥練目二名槍手五十名弩手五十名

駐卡蠻疊 又猛戛土把總管轄練目五名嘉慶二

年額設土練二百五十名俱係槍手內分撥練目二

名槍手一百名駐卡大蚌又分撥練目二名槍手一

百名駐卡打環又分撥練目一名槍手五十名駐卡

蠻鐵 又猛班土把總管轄練目五名嘉慶二年額

設土練二百五十名內槍手一百名弩手五十名分

撥練目二名槍手八十名弩手二十名駐卡蠻疊又

分撥練目一名槍手五十名駐卡南白又分撥練目

二名槍手七十名弩手三十名駐卡猛撒江
又備
郎漫丟大特薩鋪臘白果四隘嘉慶二十三年臨安
江外夷匪滋事每隘派土練九十名令該土司管領
巡防事竣裁撤

謹按以上各土司派練巡防章程自
咸豐軍興以後其制遂廢現尙未復

案册光緒十四年雲貴總督岑毓英奏普洱鎮二營八
成戰兵一千四百五十一名以二百零七名爲一營
共作七營以一營駐防府城以一營紮思茅他郎以
五營分守車里土司各江口

案册光緒十六年雲貴總督王文韶奏歸併營制編普
普洱府志稿卷之二十九 武備志三 邊防五

定中左右三營每戰兵一營額設員弁凡四百二十
八員名內會帶營官二員哨官四員文案所一員收
支兼軍裝所一員差弁二員
由中哨戰
兵內提充戰兵什長四
十二名戰兵二百七十八名中營歸普洱鎮節制駐
防府城左營除以半營駐防元江之猛烈外餘半營
駐防他郎右營駐防思茅

案册光緒二十一年雲貴總督崧蕃奏改戰兵爲練勇
每練勇一營額設員弁練勇凡二百七名內管帶營
官一員哨官四員文案所一員收支兼軍裝所一員
哨書四名
由中哨練
勇內提充修槍匠二名
由中哨練
勇內提充練勇什

長三十名練勇一百七十一名中營酌留戰兵一百名作為普洱鎮親兵駐防府城餘俱裁撤左營撥練勇二十名駐紮他郎撥三十名駐紮景東餘駐猛烈右營撥二十名駐紮景東餘駐防思茅

〔雲南通志〕道路自思茅城二十五里至永靖關又四十五里麻栗坪又七十里普籐又八十里關舖又五十里關坪又四十里四十八道河又五十里小猛養又五十里九龍江又六十里至猛松自猛松分路六十里至猛海又六十里至猛混又八十里至猛板又八十里至打落隘口又自猛松八十里至頂真又五十

普洱府志稿

卷之二十九

武備志三

邊防六

里至猛遮又六十里至掃乃又六十里至掃竜隘口又自猛松七十里至猛往又一百里至猛康又四十二里至猛阿自猛阿北走郎奈野人寨又自郎奈芬走猛克猛闇野人寨猛克走圈乃猛闇走圈英各野人寨自猛阿南走猛莽八十里自猛莽東走猛遮一百二十里自猛阿至猛遮七十里 又自打落隘出口六十里至緬甸猛麻又七十里至打丙又七十里至蠻港又九十里至孟良又一千八百餘里至猛乃又一千二百餘里至阿瓦國城 又掃竜隘出口自二百五十里至緬甸大猛養又二百八十里至猛丙又

一百八十里至邦海又五百八十里至猛章又二千
二百餘里至阿瓦國城 又自猛籠一百里至緬甸
猛類由猛類分走漫牛猛勇猛歇由漫牛走猛麻由
猛歇走猛欠由猛欠走猛堪由猛堪走整克由整克
走猛嶺由猛嶺走猛叭由猛勇亦走猛叭由猛叭走
猛街由猛街走猛來由猛來走孟良又由猛街走猛
瓦由猛瓦至猛乃又由猛瓦至猛八由猛八至阿瓦
國城 又由猛籠走南乃隘出口八十里至暹羅國
定邦昂由定邦昂走猛勇由猛勇走猛竜由猛竜走
整邁由整邁走臘本由臘本走臘管由臘管走猛吞
合江 又由猛臘走猛潤隘出口一百五十里至南
掌國猛温 又由烏得走整發隘出口至南掌補干

掌

舊志自思茅六順至那柯洛八十里再由猛板至整奈
七十里再由整得至順罕六十里再六十里至三岔
河再四十里至小猛養再五十里至九龍江再由猛
松至猛海一百二十里再猛混至猛板一百二十里
再四十里至打洛界打洛外與緬地猛麻交界由猛

麻打丙至猛措一百七十里又自猛海七十里至頂
真又四十里至猛遮西接孟連土司南與緬國大猛
養接壤〔又〕自思茅至麻栗坪七十里又六十里至
普籐又由板納塘野麻地至關鋪七十五里又四十
里至關坪又由二岔河馬鞍山至小猛養九十里又
五十里至九龍江又一百四十里至猛籠與緬甸莽
子並暹羅戛于臘交界〔又〕自思茅至黃草壩六十
里又六十里至怕壩又六十里至猛旺又由補遠至
補岡一百里又八十里至倚邦又由架布至革登七
十里又由革登至莽芝六十里又由漫至漫打河

五十里又五十里至葩泥又由漫奪至漫坡六十里
又五十里至小猛養又五十里至九龍江又自葩泥
五十里至罵木又九十里至橄欖壩又一百二十里
至九龍江又自猛旺六十里至舊埡又六十里至普
籐合九龍江大路又自倚邦六十里至蠻松又由漫
撒至易武一百一十里又三十里至易比又七十里
至補角又六十里至猛伴又一百二十里至猛臘又
七十里至猛遠又七十里至猛拿猛臘東與南掌接
壤南與暹羅屬戛于臘接壤又自猛旺七十里至漫
烈又五十里至整董又七十里至中董又七十里至

普賴又六十里至猛烏又九十里至烏得又由猛松磨董一百六十里至整法與南掌交界 又自思茅那柯洛猛板至整奈一百五十里又一百二十里至整控由整整控西北至猓穴五十里又一百里至猛往猛往北至猓穴一百四十里又一百里至猛康又四十里至猛阿猛阿北至猓穴一百里又七十里至猛遮俱與猓穴地相近

謹按自思茅往各邊境道路通志與舊志詳略不同道里各異今並錄之以備參攷

雲南通志乾隆二十九年莽酋侵擾猛籠地方土弁刀整乃死之思茅同知汪儀議於累籠隘口建造木城

普洱府志稿

卷之二十九

武備志三

邊防九

設練屯守

又嘉慶元年邊外猓黑狽犴竄入威遠

牛肩山土地塘等處焚掠總督勒保巡撫江蘭集兵練勦逐 又十七年暹羅戛于臘攻奪緬甸大猛養

等處置守緬人復奪回大猛養暹羅頭目召麻哈堪喃敗走三月戛于臘由邦薩追攻緬人至九龍江緬人敗入江內進居普籐戛于臘一千餘人阻截江口代辦宣慰司刀太康由小猛養亦退守普籐四月緬人由孟定引歸戛于臘以追緬爲名亦進至普籐又以一千餘人營橄欖壩江口遙爲聲援欲搜擒宣慰進攻思茅總兵珠勒什地南道存柱懾以兵威戛于

臘撤退又分營潛往猛臘猛彝又有南掌頭目撤英
率老撾二百人與戛于臘合猛臘猛彝二土弁退保
烏得猛烏又叛弁刀永和率戛于臘數百人至九龍
江稱奉暹羅國王之命來做宣慰八月緬甸復攻暹
羅猛彝猛臘之戛于臘二千餘人相率退緬人又追
刀永和至猛混永和夫敗逃匿緬目召布蘇邀刀太
康過江相見緬目野叭追戛于臘至九龍江回居猛
混欲於猛籠等處屯戛于臘亦住猛籠彼此相拒
十一月有戛于臘數百人屯住南掌之猛溫呈投緬
文邀內地大官相見欲立刀永和爲宣慰二十七日

普洱府志稿

卷之二十九

武備志三

邊防十

緬戛各數百人遇於九龍江外相攻戛夷殺緬夷四
人各退十二月緬目麻哈卡下舍遣孟依打母細提
二人來言戛夷侵擾猛地係彼奪回欲令宣慰出九
龍江將八猛收回意在邀功迤南道等諭以獲罪止
刀永和一人與戛于臘無涉內地不能出兵擊戛刀
太康亦不能過江相見云云時總督伯麟等奏明照
會暹羅國王令其約束戛夷毋許犯境十八年二月
戛于臘退回整邁召麻哈堪喃率眾赴大猛養緬營
乞降戛緬俱退 又二十二年刀太康之弟刀金國
佔江外各猛慙戛孟良召布蘇遣緬目免列亞至九

龍江猛遮索刀太康赴緬經守土官諭知召布蘇竝
緬國四大萬當將召彝斥逐免列亞等撤回召彝竄
匿又二十四年孟良召布蘇向車里宣慰司及十
三版納借子藥糧練普洱鎮道諭遣之又車里土
目刀太康因人離閒與已子宣慰司刀繩武不協道
光二年二月暹羅所部戛于臘頭目召喇鮮布同南
掌目練來至車里邊界聲言暹羅國王聞刀太康有
將南掌地土投附緬國之事故來講理普洱鎮道飭
宣慰集練防堵竝訛刀太康實無其事曉諭南掌無
聽謠言戛于臘不從復脅南掌目練潛入土境經防

普洱府志稿

卷之二十九

武備志三

邊防士

練驅逐退走緬界被緬人擊退而遁刀太康獲南掌
敗練六人得宣慰印緬文一張其中具言刀繩武邀
約南掌同害刀太康竝有欲攻緬屬孟良之語當欲
解送思茅審究行至江邊被孟良緬目召布素搶獲
遂疑刀繩武實欲約南掌往攻頭遣目來至洛值刀
繩武查邊與土弁刀燦星均被誘出邊界劫往孟良
與南掌敗練質對明白查係奸人召土鼎因挾從前
向刀繩武等求充土弁不允之嫌捏造文書播弄所
致三年二月緬王得雲貴總督照會即申飭孟乃緬
目令送刀繩武回江南掌國王亦接照會約束屬目

不得附夏于臘入邊時緬國有事道梗又煙瘴已發
刀繩武復恐刀太康計害未即回歸住居涼果園地
方其宣慰司印信刀繩武已攜帶出邊令刀繩武妻
刀刀氏護理土職另給鈐記四年六月緬甸貢使聶
繆獐臘等回國騰越同知胡啟榮告以內地法度令
告刀繩武嫌疑已釋勿庸疑慮並告國王派目送出
以見向日恭順之忱五年三月十二日刀繩武自阿
瓦起程由新街一路進關四月十九日至騰越旋由
省回車里時刀太康避居江外飭刀繩武訪回與和
好如初

又同治十二年車里宣慰司刀鈞安承襲

普洱府志稿

卷之二十九

武備志三

邊防三

孟艮土司素與車里挾嫌糾眾構釁侵入邊疆思茅
同知廖鼎聲遊擊龍文藻稟奉派署守備陳文耕率
兵五百前往彈壓寢事光緒二年鈞安故子承恩幼
族人刀耀宗代辦鈞安之弟鈞銘曾拜緬僧習識緬
文性桀驁頗能要結眾心陰謀爭奪適逢鈞安被縲
匪殺害僉疑鈞銘暗使殺兄思茅文武派外委楊金
甲下江密查時值十三猛官民忿激密議圖殺鈞銘
誤刺貌似之整董人鈞銘逃入緬甸楊金甲旋回各
土司漫無統屬羣相稱雄紛爭蜂起光緒四年總督
劉長佑派道員黃立鰲普洱府彭念宸隨帶兵練赴

江安撫以承恩繼襲仍飭刀耀宗爲代辦五年緬甸
派布蘇孟大定領莽練千餘護送鈞銘還車里猛海
頂真打洛猛籠猛臘各土弁附和之跋扈異常承恩
畏避猛遮結好孟艮爲防護七月鈞銘集練數千順
江直擾猛養逼近六順界六順代辦刀世熙素與不
睦調練堵禦請兵救援思茅同知梁恩浩稟署迤南
道沈壽榕派哨官鄧慶元守備王炳南會帶營兵及
練軍數百飭六順土弁相機籌辦鈞銘抗敵鄧慶元
等督兵接戰先後獲捷鈞銘窮竄回江夷練潰散而
各猛地被害甚烈仍擁眾自衛勒派供輸夷民困苦

普洱府志稿

卷之二十九

武備志三

邊防三

萬狀鄧慶元等亦即撤兵歸六年總督劉長佑檄飭
右營遊擊龍文藻率兵百餘繞道至猛翁會緬使召
布蘇周歷各猛責以大義曉以利害刀鈞銘同各猛
官民俱允從惟六順代辦刀世熙險倖狡黠包藏禍
心平時銜恨鈞銘阿比承恩離開刀氏叔姪並煽使
孟艮土司黨附承恩孟艮素獷悍係承恩外戚相助
召釁十餘年江干擾亂生靈塗炭實鈞銘之罪魁世
熙之禍胎也十年雲貴總督岑毓英奏派署普洱鎮
總兵馬忠督辦車里事二月馬忠往思茅遣把總楊
好善赴猛遮傳刀承恩請襲世職承恩奉傳偕六順

刀世熙到思諸事聽其主持謁見時忠詳詢支派應承恩襲飭令循例辦理事畢遣回越二日傳世熙諭曰承恩年甫弱冠諸未諳練權以鈞銘代辦責令勸導其叔姪釋怨敦好毋許再逞故智世熙聞之非但無感悟之心且多有阻撓之語忠數其罪斬之於市鈞銘既奉調代辦仍蓄異心屢調猛海頂真土練往猛遮構釁並密令夷匪岩多卡行刺承恩受微傷當弋獲訊認鈞銘串頂真頭目主使行刺不諱承恩殺岩多卡思茅文武官恐各猛互相疑忌又起釁端飛札各猛剴切曉諭約束夷眾各相安好初署普洱鎮

普洱府志稿

卷之二十九

武備志三

邊防四

總兵馬忠迪南道陳廷珍會商刀承恩既經襲職遠居猛遮宜飭各猛官會接回江勸鈞銘解仇助理永息爭端酌派軍功馬捷光前往邀集各猛商議而各猛中惟猛臘土把總召堂階老成戇直深明大義十二月十八日同檄攬壩土目往見鈞銘備達前情鈞銘不聽槍斃堂階檄攬壩土目亦被重傷變起倉猝夷民驚惶逃散馬捷光遂招集打洛檄攬壩各土目及江上叭目密議擒捕於二十三日在小寨地方與鈞銘遇揮眾兜拿復敢拒敵因格殺之元惡殲除復札調十三猛官會迎承恩於四月初十日回江視事江

平遂

普洱府志稿

卷之二十九

武備志三

邊防志

五

